



圆辉上人
著

俱舍论颂疏论

俱舍论颂疏论



圆辉上人
著

佛学知识
PDG

助印 《俱舍論頌疏論》 功德芳名

張陳陳陳陳陳林張林天
發怡怡怡盟敬麗查添德
森廷均璇仁源美某成官

呂林林吳吳吳吳林黃賴
龍亞寶四忠銘銘寶秀鈴
寶萱珠妹光峻祥秀英木

賴賴林張張張林王林林
信彥麗中嘉嘉憲春藏葦
宏廷華榮珍雲宗鑫伶哲

倡印單位 / 普陀山佛教協會

主管單位 / 舟山市宗教處

準印單位 / 成都新聞出版社

準印證 / 內部資料成字1691號

承印單位 / 成都市解放印彩廠

開本 850×1168 毫米 1/32 23 印張

阿毗达磨俱舍论略释记

正议大夫持节诸军使晋州刺史贾曾 撰

(一)昔释迦去代。过九百年。天亲菩萨纂论千部。弘宣盖远。发起良多。至于标揭义门。训剖名相。文约事广。词微理明。则此对法藏论尤称工也。虽源出婆娑。本论论藏。若能究根界之旨。穷世圣之源。辨因果于真俗。祛执滞于人我。乃十二部经思已过半。八万法门。由而可知。岂唯但趣小乘专攻说有而已。(二)大唐三藏。玄奘法师。躬得梵本。再译真文。其徒大乘光法师。亲承密诲。初传正释。既尽善矣。又何加焉。然论岐则说繁。义富则辞黠。学徒始习。难以兼功。(三)有圆晖上人者。慧炬炽然。戒珠融朗。后来之美。先达所印。幼好斯文。长而独得。嘗因暇日。见为讨论。余时迫俗尘。倦于周览。乃求略释。先辨颂文。良愿不违。欣然默受。旧德闻已。深相激赞。居诸未几。删削遽成。以简则易知。有功则可久。虽允在家之请。乃为有学之资。贤人之业。其不泯矣。上人自

陈作意。已题别序。以余本缘所起。欲重宣扬。嘉旨再三。故疏此记。俾夫后身广慧。遥证通方。过去众贤。永惭偏识。云尔

目 录

阿毗达摩俱舍论略释记	释信光
俱舍论颂疏论本卷第一	(一)
俱舍论颂疏论本卷第二	(五七)
俱舍论颂疏论本卷第三	(八八)
俱舍论颂疏论本卷第四	(一一二)
俱舍论颂疏论本卷第五	(一四五)
俱舍论颂疏论本卷第六	(一六七)
俱舍论颂疏论本卷第七	(一九〇)
俱舍论颂疏论本卷第八	(二〇九)
俱舍论颂疏论本卷第九	(二三一)
俱舍论颂疏论本卷第十	(二五二)

俱舍论颂疏论本卷第十一	(二七五)
俱舍论颂疏论本卷第十二	(三〇二)
俱舍论颂疏论本卷第十三	(三一九)
俱舍论颂疏论本卷第十四	(三四一)
俱舍论颂疏论本卷第十五	(三六七)
俱舍论颂疏论本卷第十六	(三九四)
俱舍论颂疏论本卷第十七	(四一六)
俱舍论颂疏论本卷第十八	(四三九)
俱舍论颂疏论本卷第十九	(四七〇)
俱舍论颂疏论本卷第二十	(四九四)
俱舍论颂疏论本卷第二十一	(五一三)
俱舍论颂疏论本卷第二十二	(五四一)
俱舍论颂疏论本卷第二十三	(五五七)

俱舍论颂疏论本卷第二十四	(五八一)
俱舍论颂疏论本卷第二十五	(六〇四)
俱舍论颂疏论本卷第二十六	(六二七)
俱舍论颂疏论本卷第二十七	(六五一)
俱舍论颂疏论本卷第二十八	(六七五)
俱舍论颂疏论本卷第二十九	(六九七)
俱舍论颂疏论本卷第三十	(七一六)

俱舍论颂疏论本卷第一

中大云寺沙门圆晖述

粵烛天下之幽者。其惟赫日乎？鼓万物而成者。其惟台风乎？匡大教而济时者。其惟菩萨乎？爰有大士，厥号世亲。弘道于五天。制论于千部。光我师之正躅。解外道之邪纷。功无得而详也。千部之内。俱舍论是其一焉。斯乃包括六足。吞纳八蕴。义虽诸部。宗唯以正。故得西域学徒。号为总明论也。至如七支无表之说，作传律之丹青。三科蕴界之谈，与弘经为润色。光光佛日，实在兹焉，有正议大夫，晋州刺史贾曾，惟公特稟异气，别授精灵，文盖云间，声雄日下，器宇冲逸，容止清闲，盖缙绅龟镜之士也。公前任礼部侍郎，省司多暇，归心正法。乃相命谈义，遂请造略释。有大圣善寺，怀远律师者，清以戒珠，凉以风仪。既勤勤于法门，亦孜孜以劝诱。志存兼济。故有请焉，在圆晖多幸。遭兹像化。咀以真詮，狎以兰室，喜朝闻于夕殒，荷严命以斯临，课以庸虚。聊为颂释。删其枝叶，采以精华云。

于广本过繁，略叙关节，义于经律，有要必尽根源，颂则再牒而方释，论乃有引而具注，木石以销。质而不文也。冀味道君子。义学，精人。披之，而不惑，寻之而易悟，其犹执鸾镜而鉴像，持龙泉以断物，盖述之志矣。愚见不敏。何必当乎。庶通鉴之士详而正焉，「将启论端。六门分别。」

第一明论缘起，二释论宗旨，三明藏所摄，四翻译不同，五略解品题，六广释文义。

初明论缘起者有二。一明本缘起。二明别造意，本缘起者，自迦叶遁形于鸡足，末田乞地于龙宫，虽大义少乖，而微言尚有泊乎？尊者鞠多，道不继于三圣，摩诃提婆，乱真言于五缘。二部分宗。诤兴于摩揭提国。五百罗汉。飞来于迦湿弥罗。一切有宗与兹国矣。佛涅槃后。四百年初。健驮罗国。有王名迦颯色迦。其王敬信尊重佛经。味道忘疲。传灯是务。有日请僧入官供养。王因问道。僧说莫同。王甚怪焉。问胁尊者曰。佛教同源。理无异趣。诸德宣唱。奚有异乎。尊者答曰。自五梦不祥。双林现灭。百有余载。诸部肇兴。

虽复万途。津梁一揆。是故大圣。喻折金杖。况以争衣。争衣则衣终不破。斫金则金体无殊。是故依之修行。无不皆成圣果。王闻此语。因为问曰。诸部立范孰最善乎。我欲修行。愿尊者说。尊者答曰。诸部懿典。莫越有宗。王欲修行。宜遵此矣。王曰。向承嘉旨。示以有宗。此部三藏。今应结集。须召有德。共详议之。于是万里星驰。四方云集。英贤毕萃。凡圣极众。既多烦乱。不可总集。为逮简凡僧。唯留圣众。圣众尚繁。简去有学。唯留无学。无学复多。不可总集。于无学内。定满六通。智圆四辩。内闲三藏。外达五明。方堪结集。故以简留。所简圣众。四百九十有九。王曰。此国暑湿。不堪结集。应往王舍城中。迦叶结集之处。不亦宜乎。胁尊者曰。王舍城中。多诸外道。酬答无暇。何功造论。迦湿弥罗国。林木郁茂。泉石清闲。圣贤所居。灵仙游止。复山有四面。城唯一门。极坚固矣。可结集矣。于是国王。及诸圣众。自彼而至迦湿弥罗。到彼国已。缘少一人未满五百。欲召世友。然世友识虽明敏。未成无学。众欲不取。世友顾圣众曰。我见罗汉。视之如唾。久舍不

取。汝何尊此。而弃我乎。我欲证之。须臾便获。遂于僧众。便立誓言。我掷缕至空。缕下至地。愿我便证阿罗汉果。缕未下空。诸天接住。语世友曰。大士方期佛果。次补弥勒。三界特尊。四生攸赖。一何为此小缘。而欲舍斯大事。于是圣众。闻此空言。顶礼世友。推为上座。于是五百圣众。初集十万颂。释素怛缆藏。次造十万颂。释毗奈耶藏。后造十万颂。释阿毗达磨藏。即大毗婆沙是也。世友商确。马鸣采翰。备释三藏。悬诸千古。法云重。布于遐方。佛日再晖于沙界。传灯之盛斯之谓焉。五百罗汉。既结集已。刻石立誓。唯听自国。不许外方。勅药叉神。守护城门。不令散出。然世亲尊者。旧习有宗。后学经部。将为当理。于有宗义。怀取舍心。欲定是非。恐畏彼师情怀忌惮。潜名重往。时经四载。屡以自宗。频破他部。时有罗汉。被诘莫通。即众贤师悟。入是也。悟入怪异。遂入定观。知是世亲。私告之曰。此部众中。未离欲者。知长老破。必相致害。长老可速归还本国。于时世亲至本国已。讲毗婆沙。若一日讲便造一偈。撮一日中所讲之义。刻赤铜叶。书写此偈。如是

次第。成六百颂。摄大婆沙。其义周尽。标颂香象。击鼓宣令云。谁能破者。吾当谢之。竟无一人能破斯偈。将此偈颂。使人送往迦湿弥罗。时彼国王。及诸僧众。闻皆欢喜。严幢幢盖。出境来迎。标颂香象。至国寻读。谓弘己宗。悟入知非。告众人曰。此颂非是专弘我宗。颂置传说之言。似相调耳。如其不信。请释即知。于是国王。及诸僧众。发使往请。奉百斤金。以申敬请。论主受请。为释本文。凡八千颂。寄往果如悟入所言。此是第一明本缘起也。第二明造论意者。大意有三。一为众生断烦恼故。二欲令智者慧解深故。三弘持正法。令久住故，断烦恼者。欲令众生出三有故。有情沈沦。由惑未灭。欲求出离。须断惑缘。断惑正因所谓净慧。论正净慧。论主因之故制斯论。故下文云。何因说彼阿毗达磨。奉颂答曰。由惑世间飘有海。因此传佛说对法故。知造论为断烦恼。第二生慧解者。斯论乃四含幽键。六足玄关。法相川源。义门江海。文清清兮。玉润理明明兮。月花启学人之昧心。发智者之明慧。故下文云。我于方隅。已略说。为开智者慧毒门。如身少破。著少毒

药。须臾毒气。遍满身中。此论亦然。开少慧门。诸有智人。能深悟入。如似毒门。名慧毒门。总明论名。因兹起也。

第三弘持正法者。自青莲罢笑。白毫掩色。邪徒纷乱。正法陵迟。雨众三德之谈。米斋六句之说。残我华苑。汨我清流。论主方欲扫彼邪云。光斯佛日。制论之意其在兹乎。故下文云。上来所说。种种法门。皆为弘持世尊教法。又三藏教兴。皆有四意。故婆沙云。说素恒纆藏。依力等流。一为众生得增上心。学论道故。二为众生种种杂说故。三令众生种善根故。四为众生未入正法。令入正法故。说毗奈耶藏。依悲等流。一为众生得增上戒学论道故。二为众生说诸学处故。三为众生已种善根者。令相读成就故。四令已入正法者。受持正法故。说阿毗达磨藏。依无畏等流。一为众生得增上慧学论道故。二为分别诸法自相共相故。三为已成就者令得正解脱故。四为已受持学处者。通达诸法真实相故。又依婆沙。有七意造论。一为饶益他故。为令有情于佛圣教。无倒受持。便得悟入甚深法性。譬如有人为饶益他。于黑暗处。燃大明灯。令有目者见种种色。二

为破无明暗故。如灯破暗能发光明。造论亦尔。破无明暗。发智慧明。三为显无我像故。譬如镜面极善磨莹种种相现。论亦如是。分别法相。令无我像分明显现。四为度生死河故。如牢船筏百千众生。依之无畏。度至彼岸。论亦如是。佛及有情。依之无畏。到涅槃岸。五为照契经等。故如人执炬则见众色。而无迷乱。论亦如是。照契经等义。而无迷乱故。六为观察善等诸法故。如别宝人识金刚等宝。论亦于是。分别善等诸法故。七为显诸大论师。不倾动故。如妙高山。踞金轮上。一切猛风不能倾动。诸大论师亦复如是。轻毁邪论。不能摧伏故。

第二明论宗旨者。自教迹区分。部成十八。所立宗旨。固非一家。如一说部。大众部鸡胤部。说出世部。此四奉宗。一切诸法。无非是假。但有言说。若经部宗。立一切法。少分实有。多分是假。若萨婆多宗。一切有法。为所奉宗。计有不同。总有四说。一类。三相。三位。四待。言类者。尊者法救。作如是说。由类不同。三世有异。谓徒未来。至现在时。舍未来类。得现在类。若徒现在。流

至过去。舍现在类。得过去类。但类不同。非体有异。如破金器作余物时。形虽有殊金色无异。言相者。尊者妙音。说相不同。三世有异。谓法在过去。正与过去相。合而不名为离现未相。以过去相显但名过去也。现在正与现在相。合而不名为离过去未相。未来正与未来相。合而不名为离过去现相。随显得名。准过去说。言位者。尊者世友。说位不同。三世有异。未作用位。名为未来。正作用位。名为现在。作用谢位。名为过去。至位位中。作异异说。如运一筹置在一位名一。置百位名百。置千位名千。历位有别。筹礼无异。言待者。尊者觉天说待不同。三世有异。待谓观待。前观于后。名为过去。后观于前。名为未来。观待前后。名为现在。如一女人。名女名母。观母名女。观女名母。论主评云。法救执法有转变故。应置于论外道朋中。以数论宗。执法有转变故也。妙音所立。世相杂乱。三世皆有三世相故。觉天所立。世还杂乱。一世法中。应有三世。谓过去世。有多刹那。前后刹那。应名去来。中名现在。未来现在。类亦应然。故此四中。第三世友。立世最善。依经部宗。

过未无体。唯现世有。今详世亲著论宗旨。有其两种。一者显宗。即一切有。故下文云迦湿弥罗议理成。我多依彼释对法。既言依彼释对法藏。故知此论。有部为宗。二者密宗。所谓经部。故下文云。经部所说。不连理故。此一部论。多将经部。破萨婆多。故知世亲。密意所许。经部为宗。此上不同。第二明宗旨竟。

第三明藏所摄者。藏有三种。一素恒缆藏。此翻为缙。或名为经。正诠于定。二毗奈耶藏。此称调伏。正诠于戒。三阿毗达磨藏。此言对法。正诠于慧。于此三中。此论即是阿毗达磨藏摄。问为唯藏摄。亦通余二答顺正理第一云。诸有素恒览。及毗奈耶所有穷理问答。皆是此中阿毗达磨藏摄。

第四明翻译不同者。此论翻译。总有两时。初即陈朝。后居唐代。陈朝三藏真谛法师。有于岭南。译成二十二卷。大唐三藏。永徽年中。于慈恩寺。译成三十卷。翻译不同。非无所以。由前译主未善方言。致使论文义在差舛。至如无为因果。前译言非。现法无非得。昔翻云有。大唐三藏音善两方。译义无差。缀文不谬。由使怀疑之